

四庫全書

史部

欽定四庫全書

欽定日下舊聞考卷五十五

城市

外城中城

臣等謹按朱彝尊原書因仍舊制合內外城分中  
東西南北為五城故前三門外俱謂之南城今制  
內城自為五城而外城亦各自為五城正陽門街  
居中則為中城街東則為南城東城街西則為北  
城西城今先書外城之中城餘以次叙焉

原正東坊自正陽門外東河沿至崇文門外西河沿八  
牌四十鋪有蕭公堂崇真觀天慶寺慈源寺清化寺西

三里河東三里河蘆葦園

五城坊巷  
衙集

臣等謹按東河沿蕭公堂以東屬南城西屬中城  
蕭公堂今存西河沿關帝廟以西屬北城東屬中  
城崇真觀天慶寺慈源寺清化寺俱仍屬南城詳  
本條下三里河橋東屬南城西屬中城蘆葦園今  
名蘆草園其地近草廠衙衙者為北蘆草園近大

蓆兒衙者為南蘆草園俱屬中城

補北京正陽門前搭蓋棚房居之為肆其來久矣崇禎七年成國公朱純臣家燈夕被火于是司城毀民居之侵占官街搭造棚房擁塞衢路者金侍御光辰慮其擾民上言京師窮民就舍無資藉片席以棲身假貿易以餬口其業甚薄其情可哀皇城原因火變恐延燒以傷民今所司奉行之過概行拆卸是未罹焚烈之慘而先受離析之苦也且棚房半設中塗非盡接棟連楹若以



火延棚房即毀棚房則火延內室亦將并毀內室乎疏  
入有旨停止

鴻一亭  
年記

臣等謹按今正陽門前棚房比櫛百貨雲集較前  
代尤盛足徵

皇都景物殷繁既庶且富云

原四方進士來試南宮者率皆僦居麗正門外

燕石  
集

原三里河元時名文明河接通惠河為漕儲運道今鐵

閘尚存

春明夢  
餘錄

原漕運總兵官都督楊茂上言京城南原有三里河直通張家灣煙郭橋自橋往西疏濬深濶二十餘里卻將煙郭木橋改作吊橋糧船到彼灣泊可免漂流之患若將此河濬深直至三里河作平水壩三四截于內置扁淺剝船令運船由此盤壩以達京師歲可省車脚數百

萬

明疏議輯畧

臣等謹按煙郭橋明史作煙墩橋郭字誤

原成化七年十月戶部尚書楊鼎工部侍郎喬穀上浚

河事宜上命同漕運叅將袁佑踏勘得城南三里河至張家灣運河口袤延六十里舊無河源正統年間因修城濠作壩蓄水慮恐雨多水溢故于正陽橋東南低窪處開通濠口以泄其水始有三里河名自濠口三里至八里莊始接渾河舊渠兩岸多人家廬舍墳墓流向十里迤南全接舊河流入張家灣白河其水深處止有二三尺淺處一尺餘濶處僅丈餘窄處未及一丈又有走沙天旱則淤壅淺澀雨澇則漫散衝突勢不易開

明憲

宗實錄

原大通橋去通州四十里地形高通州五丈置十閘方可行舟三里河在天地壇前去通州五十里形高通州一大九尺置二閘便可行舟但有一二走沙耳

病逸漫記

原重建三里河橋碑在橋西鐵山寺碑建于正德十二年翰林院修撰江陰周叙撰文鐵山寺僧宗洪號也

析津

日記

原周叙重修三里河橋記 都城迤南有河焉乃隍水之枝流也河之上有橋橋之名曰三里其始創自天順

問歷歲既久土崩石泐而往來乘載者病焉時有坊間  
善士戴通者欲為改作慮其費不貲功未易舉因與僧  
宗洪號鐵山者謀之廣為募緣不數月而集銀兩千一  
百七十有奇撤故橋降七尺以為基高十四尺有奇視  
舊加四之一衡二十有四尺視舊加六之一縱四十尺  
視舊加六之一蓋墁石三十尺有奇視舊加三之一石  
欄板視舊加三之一石欄柱視舊加四之一橋之西東  
各竅五尺增築砥平衡皆四十尺有奇其東之縱三十  
尺西之縱六十有二尺橋之北南作耳橋者三一瞰乎  
寺之南泉一拱乎巷之鞭子一拱乎街之半邊不惟達  
是橋之衝路抑且殺河之勢而闊流之淤也延袤共七  
百尺有奇越五月而工成時正德十二年丁丑

臣等謹按鐵山寺今存周叙碑已漫漶不可讀畧

辨題名而已

原正陽門外東偏有古三里河一道東有南泉寺西有  
玉泉菴至今基下俱有泉脈由三里河繞出慈源寺八  
里莊五箕花園一帶直抵張家灣煙墩港地勢低下故  
道俱存冬夏水脈不竭見今天壇北蘆葦園草場九條  
巷其地下者俱河身也高者即舊馬頭明白易見不假  
經畫稍加修治即可復也但附近勢家莊園故成化六  
年楊茂雖嘗建議而不敢盡言但請置壩而已後亦竟  
沮不行成化十二年亦踏勘而勢家賄通欽天監以為

地居京師子午方位為說不知三里河乃在都城巽巳  
實非子午方也今誠按此修濬則公私大船俱可直抵  
三里河不但便船剝而已

桂文  
襄集

朱彞尊原按張爵紀五城坊巷衙衛南城正東坊  
有西三里河東三里河蘆葦園崇南坊則有南河  
漕于家灣遞運所纜竿市又有三轉橋紀家橋板  
橋雙馬莊八里莊十里河皆三里河入張家灣故  
道今其名雖存而深谷為陵遺跡漸不可考矣

臣等謹按玉泉菴今存在蘆草園西簾兒衚衕內  
南泉寺纜竿市在三里河橋東隸南城

原三里河之故道已成陸矣然時雨則停潦泱泱然河  
也武清侯李公疏之入園中園遂以水勝可汎舟周廊  
過亭其東梅花亭砌亭為瓣五鏤為門為牕繪為壁菴  
為地范為器其形皆以梅帝京景物畧

增吳惟英遊李園泛舟詩海淀微嫌道路長背城特  
地又新莊登舟我欲偕元禮還石居宜學贊皇環榭依  
臺渾是水繞花沿柳半為廊莫愁酒盡雙楊下村店青  
帘帶夕陽同上



臣等謹按李園今廢

增真武廟在

先農壇西

五城寺院冊

臣等謹按真武廟建于明代

本朝康熙十年修有左春坊左中允翰林院編修左敬

祖撰碑

增斗姥宮在真武廟西

五城寺院冊

臣等謹按斗姥宮



魏學顏闢地數十畝建閣一為殿五請于朝賜額曰護國靈佑宮碑文大學士福清葉向高所撰湖廣道御史晉陽潘雲翼書

行國錄

臣等謹按靈佑宮今存明大學士葉向高碑及天啟乙丑王紹徵撰重修碑

原仁壽寺顯德廟遺址也萬厯元年伏牛山行者真玉卓錫于此內官張朝因宮女陳秋香開之仁聖太后遂捐貲屬司禮監馮保建寺始于是年四月明年正月賜

額曰仁壽有李廷機劉效祖二碑

析津  
日記

臣等謹按仁壽寺在靈佑宮西李廷機劉效祖二碑

今俱無存

原山川壇在天地壇之西繚以垣壇周迴六里中為殿  
宇以祀太歲風雲雷雨嶽鎮海瀆東西二廡以祀山川  
月將城隍之神左為旗纛廟西南為先農壇下皆藉田

明一  
統志

原永樂十八年十二月山川壇成

明成祖  
實錄

原山川壇在正陽門南之右永樂十八年建繚以垣墻  
周迴六里洪武三年建山川壇于天地壇之西正殿七  
壇曰太歲曰風雲雷雨曰五嶽曰四鎮曰四海曰四瀆  
曰鍾山之神兩廡從祀六壇左京畿山川夏冬季月將  
右都城隍秋季月將二十一年各設壇于大祀殿以  
孟春從祀遂于山川壇惟仲秋一祭永樂建壇北京一  
如其制進祀天壽山于鍾山下嘉靖十一年即山川壇  
為天神地祇二壇以仲秋中甸致祭別建太歲壇專祀

太歲東廡為春秋月將西廡為夏冬月將各二壇前為  
拜殿宰牲亭南為川井即山川壇舊井有龍塾其中壇  
西南有先農壇東旗纛廟壇南耜田在焉十年定太歲  
將祭期歲于孟春享廟歲暮祫祭之曰遣官行禮隆慶  
元年禮官議天神地祇既從祀南北郊仲秋不宜復有  
神祇壇之祭罷之而太歲之祭如故

春明夢  
餘錄

原嘉靖九年改定風雲雷雨神牌次序曰雲雨風雷上  
曰雲雨風雷天神也嶽鎮海瀆地祇也城隍人鬼也焉

可雜于一壇而祭之議以城隍之神歸之本廟于常祭

外添祭一壇

明嘉靖  
祀典

原祭雲雨風雷嶽鎮海瀆山川諸神每三歲一親祭以  
丑辰未戌用事雲雨風雷之神四壇南向五嶽五鎮五  
山四海四瀆之神五壇北向京畿山川西向天下山川

東向

明嘉靖  
祀典

原天神壇方廣五丈高四尺五寸五分四出陞各九級  
壇牆方二十四丈高五尺五寸厚二尺五寸櫺星門六

正南三東西北各一內設雲形青白石龕四千壇北各

高九尺二寸五分

春明夢餘錄

原地祇壇面濶十丈進深六丈高四尺四出陞各六級  
 壇牆方二十四丈高五尺五寸厚二尺四寸櫺星門亦  
 如神壇內設青白石龕山形三水形二於壇北各高八  
 尺二寸左從位山水形各一于壇東右從位山水形各  
 一于壇西各高七尺六寸同上

上同

增



神祇壇在

先農壇內垣外之東南正南三門繚以重垣東為

天神壇制方南嚮一成方五丈高四尺五寸五分四出  
陞各九級壇北設青白石龕四鑊以雲形各高九尺二  
寸五分祀

雲雨風雷之神壇方二十四丈高五尺五寸壇正南三  
門六柱東西北各一門二柱柱及楣闕皆白石扉皆朱  
樞西為

地祇壇制方北嚮一成廣十丈縱六丈高四尺四出陛各六級壇南設青白石龕五內鏤山形者三祭

五嶽五鎮五山之祇鏤水形者二龕下四圍鑿池祭則貯水祭

四海四瀆之祇各高八尺二寸壇東從位石龕山水形各一祭

京畿名山大川之祇西從位石龕山水形各一祭

天下名山大川之祇各高七尺六寸壇方二十四丈高

五尺五寸墻正北三門六柱東西南各一門二柱柱及

楣閭皆白石扉皆朱樞

大典 大清

臣等謹按

天神

地祇

太歲壇位俱在

先農壇內祈雨則

遣官祭告雨足則報祀

原國初肇祀太歲禮官雜議因及陰陽家說十二時所直之神太祖乃定祭太歲于山川壇之正殿而以春夏秋冬四月將分祀兩廡或謂月將非經見者按禮祭法埋少牢于泰昭祭時也相近于坎壇祭寒暑也太歲實統四時而月將四時之候寒暑行焉今祭太歲月將則固時與寒暑之神也載諸祀典孰謂非經見耶

餘冬序錄

原禮臣上言太歲之神自唐宋以來祀典不載惟元有大興作祭于太史院亦無常祭國朝始有定祀是以壇

宇之制于古無稽按說文太歲木星也一歲行一次應十二辰而一周天其為天神明矣亦宜設壇露祭但壇制無考應照社稷壇築造高廣尺寸差為減殺庶于禮

還宜詔可

明嘉靖  
祀典

原太歲壇在山川壇內中為太歲壇東西兩廡南為拜殿殿之東南砌燎鑪殿之西為神庫神厨宰牲亭亭南為川井外四天門東門外為齋宮鑾駕庫外為東天門

春明夢  
餘錄

原祭太歲月將等神于太歲壇每歲于立春大祫用事

正祀某甲太歲之神東廡春秋月將之神西廡夏冬月

將之神

明嘉靖  
祀典

增太歲壇在正陽門外西故山川壇內明嘉靖八年建

本朝因之乾隆十九年重修每年于正月上旬吉日十

二月杪恭祀

太廟日致祭太歲月將之神恭遇

皇上行耕藉禮致祭

先農禮成詣

太歲壇拈香正殿太歲兩廡月將壇

大清  
一統志

增太歲殿在

先農壇之東北南嚮七間三出陞各六級東西廡各十  
有一間一出陞均四級前為拜殿七間拜殿東南燎鑪  
一壇內垣門四各三間

神位南嚮四時十二月各有主者分祀兩廡東廡司春  
秋為位六均西嚮西廡司夏冬為位六均東嚮

會典  
大清

原先農壇在山川壇內太歲壇傍之西南永樂中建為制一成石包甃砌方廣四丈七尺高四尺五寸四出陞西為座位東為齋宮鑾駕庫東北為神倉東南為具服殿殿前為觀耕臺臺用木方五丈高五尺南東西三出陞臺南為耜田護壇地六百畝供黍稷及薦新品物又地九十四畝有奇每年額稅太常寺會同禮部收貯神倉以備旱潦嘉靖中建圓廩方倉以貯菜蔬上耕耜田

親祭餘年順天府尹祭

春明夢餘錄



臣等謹按明史禮志嘉靖中建先農壇高五尺廣五丈與春明夢餘錄互異

增

先農壇在

太歲壇西南明嘉靖中建

本朝因之乾隆十九年重修

大清一統志

增

先農壇在正陽門外西南制方南嚮一成周四丈七尺高四

尺五寸四出陞各八級東南為瘞坎壇北為殿五間以藏

神牌東

神庫西

神厨各五間左右井亭各一東南為

觀耕臺方廣五丈高五尺面甃金甃四圍黃綠琉璃東  
南西三出陞各八級繞以白石闌柱前為

藉田後為

具服殿五門南嚮三出陞南九級東西各七級東北為

神倉中稟制圓前為收穀亭左右倉十有二間後為祭

器庫

會典 大清

增乾隆十七年

御製祭

先農壇詩

莫非爾極粒羣生祀典躬行逮舉耕藉藉

青郊含宿露垂垂黃幕朗新晴三推敢懈勤民志七奏

惟宣望歲情好雨知時先受貺益深兢業凜持盈

增乾隆二十年

御製祭

先農壇詩 練日臨祥亥占農逮正晨祈豐

祀修潔致敬宇維新

上年修

先農壇并南北郊壇工竣即命重

而禁種菜以致  
蠲潔時方歲後贊

帝降嘉種于時此大徇即看土膏潤慰悚戴

鴻鈞

增乾隆二十四年

御製耕藉日祭

先農壇詩 有事祈

神佑無非仰

帝臨方壇修

祀姑洗協元音農務將興候身先要必欽況曾艱臘

雪益切望春霖三獻遵依古四推匪自今

四推之禮始  
自皇考

率成典制黃雲落土雨踰踏惴彌深

臣等謹按卷中恭載

皇上御製詩凡初見及有闕典禮考訂者皆敬謹繕錄

原弘治元年二月孝宗皇帝行耕藉田禮順天府率兩縣官耆老之後添上中下農夫各十人穿本等衣鞋各執農器引見叩頭令其終畝人賜布一疋後循以為例

明嘉靖  
祀典

原親耕藉田合用田具什物黃龍口等犁牛具順天府造辦彩旗樂人禮部備辦庶人絳衣絛履巾襪并大紅紗滿紅燈祭器工部修造教坊司合用樂器銅鑼四面黑油腔大鼓四面小鼓二面黑油腔鼗子四面白鐵鈎

青絲繩穿紅油木楸四把木叉四把掃帚四把斗蓬四箇蓑衣四領黑油扛四根青綿花繩四根

同上

原駕祀先農躬耕藉田工部題請將黃龍口犁黃犍牛黃絨鞭黃套索各一紅犁黃牛紅絨鞭紅套索各十二鐵箸鐵楸木楸竹筐米篩竹箕荆筐掃苗掃帚簸箕各十耙二副行順天府辦送

水部備考

原天順乙酉仲春元辰上親耕于南郊命朝臣從耕于是少保吏部尚書華蓋殿大學士李賢禮部尚書姚夔

兵部尚書王竑工部尚書白圭吏部右侍郎翰林院學士彭時戶部左侍郎楊鼎耕其左廣平候袁瑄隆平候張佑定襄伯郭登吏部左侍郎翰林院學士陳文吏部右侍郎尹旻通政使張文質耕其右戶部尚書馬昂進耒耜上耕藉三推從耕者各五推九推訖京尹及赤縣令率耆庶終畝

水東日記

原嘉靖九年二月上躬耕藉田三公九卿執事官一十二員昌國公張鶴齡建昌候張延齡大學士張璁程璡



吏部尚書方獻夫兵部尚書李承勛戶部尚書李瓚禮  
部尚書李時刑部尚書許讚工部尚書章拯都察院右  
都御史汪鉉翰林院學士顧鼎臣進耒耜執事官五員  
戶部尚書梁材太常寺卿陳道瀛鴻臚寺卿魏璟少卿  
孫伯義順天府尹黎奭

明嘉靖  
祀典

原崇禎七年二月上親祭先農壇行耕藉禮十五年二  
月上復親祭先農行耕藉禮戶部尚書傅淑訓進耒耜  
順天府尹張宸極進鞭上左手秉耒右手執鞭三推步

行犁土中盡壠而止耕時教坊司引紅旗兩旁唱禾詞  
老人牽牛二人扶犁二人耕畢戶部尚書跪受耒耜置  
犁亭府尹跪受鞭置鞭亭府尹捧青箱播種耆老以御  
牛隨而覆之上御觀耕臺於是大學士周延儒賀逢聖  
張四知謝陞陳演吏部尚書李日宣六人耕于東定國  
公徐允禎恭順侯吳惟英清平伯吳遵周戶部尚書傅  
淑訓兵部尚書陳新甲工部尚書劉遵憲六人耕于西  
順天府廳官各執箱播種太常卿奏耕畢駕至齋宮農

夫終畝科臣沈迅以教坊承應歌詞俚俗請改正上諭  
禮臣以後耕藉宜歌豳風之詩

春明夢  
餘錄

朱彛尊原按藉田耕罷燕及羣臣教坊承應作黃  
童白叟鼓腹謳歌為佯醉狀弘治初元耕藉教坊  
以雜劇承應左都御史馬文升厲色曰新天子當  
知稼穡艱難豈宜以此黷亂宸聽即斥去之思陵  
命改歌豳風信卓見也

增歲仲春吉亥

皇帝躬耕於

帝藉豫期由部奏請

命王三人鄉九人從耕鴻臚寺豫於

帝藉兩旁東西各設從耕位立表以識前期一日

皇帝御中和殿閱祭

先農祝版禮畢

閱耕具畢

乘輿還宮至日

皇帝禮服詣

先農壇致祭畢

御具服殿更龍袍從耕暨侍班各官更采服以俟大清會典

臣等謹按

具服殿

御製額曰幼農勸稼聯曰千畝肇農祥寅清將事三推

勤御耦亥吉祈年皆

皇上御書

又按舊制

上耕藉所司預設采棚於藉田上乾隆二十三年奉  
上諭吉亥藉畝所重劬農黛耜青箱畚鍤蓑笠咸寓知  
民疾苦之意而設棚懸采以庇風雨義無取焉吾  
民涼雨犁而赤日耘雖襁褓之尚艱豈炎濕之能  
避且片時用而過期徹所費不啻數百金是中  
數十家之產也其飭除之遂為定例

增

帝藉正中陳

躬耕黃耒駕以黃犢戶部尚書一人立于右東面順天府尹奉鞭立于左西面藉田東西從耕耒耒各六駕以黝牛府屬丞倅奉青箱者咸俟於次樂部典樂一人和聲署正二人丞二人立藉田左右署史歌耒辭者十有四人司金鼓版蕤笙簫者各六人頂帶老農四人以次立藉田左右麾五色彩旗者五十人披蓑帶笠執錢鑄

者二十人牽牛耆老三十四人上農夫十人中農夫十人下農夫十人立歌禾解者之外相間為班均東西面魚貫序立鴻臚寺鳴贊二人侍儀御史二人夾耜田序立不從耕王公暨三品以上文武官序立於

觀耕臺側禮部尚書奏請

行耕耜禮

皇帝至

耕位南嚮立從耕三王九卿以次就耕位東西面立鴻



驢官引王公各官至

觀耕臺南左右隅均南嚮立鳴贊贊進耒戶部尚書北面跪進耒贊進鞭順天府尹北面跪進鞭皆興退

皇帝右秉耒左執鞭耆老二人牽犢上農夫二人扶犁禮部太常寺鑾儀衛堂官各二人恭導

皇帝行耕耨禮和聲署署史揚耒旗司樂官引署史鳴金鼓歌耒辭左右隨行順天府丞奉青箱以從戶部侍郎播種

皇帝四推四返畢歌止鳴贊贊受耒戶部尚書北面跪  
受耒贊受鞭順天府尹北面跪受鞭皆興暨順天府丞  
奉青箱仍設龍亭和聲署正率所屬退禮部尚書奏請

御觀耕臺

大典  
大清

臣等謹按

觀耕臺舊制以木為之乾隆十九年奉

旨改用碑石臺座前左右三出陞周以石闌

增

御觀耕臺

皇帝由午階升座記注官四人由西階升立臺上西南隅東面鴻臚官引王公百官退立於臺下左右均東面北上從耕三王九卿以次受鞭耒耜耆老一人牽牛農夫二人扶犁順天府屬丞倅一人奉青箱一人播種三王五推五返九卿九推九返畢釋鞭耒入侍班位立執事官各設青箱於采亭鴻臚官引順天府尹及丞率所屬官耆老農夫至臺前甬道西北面東上行三跪九叩

禮畢退至藉田終畝禮部尚書奏禮成

駕興由東階降乘輿還宮導迎樂作奏佑平之章王公  
從各官以次退是日

賚耆老農夫布各四疋及秋玉粒告成擇日收貯

神倉以供

天

地

宗廟

社稷之案盛

會典 大清

臣等謹按耕藉之典前代帝王不過偶一躬親垂  
之史冊已侈為盛事我

朝

列聖相承重農勸穡

世宗憲皇帝特命加一推一返我

皇上御極以來

親耕典禮歲必舉行並於三推之外敬遵加一之禮勤

穡事而劬農功洵超邁千古矣

增乾隆六年

御製仲春耕藉詩  
布政宜敦本當春乃勸農  
良辰耕帝藉膏雨遍畿封輦路華旌映城闌瑞靄濃

明裡先致享

神格益滋恭耒耜青箱列公卿法服從三推親竟畝百  
室願如墉

皇考貽謨烈齋宮著肅雖無須陳夏諺即此仰

堯宗

增乾隆九年

御製二月二十七日耕藉禮成得詩四首 昭蘇春氣

濃千畝正南縱勸穡倡羣辟

明禋考秩宗輕雲寵旭日殷禮享

先農佇望甘膏沛微衷益致恭

皇考勤農本年年盛典修春郊方淡蕩穡事敢遲留野  
老披蓑笠青壇覲冕旒頌恩勞終畝旨酒美思柔 綵

棚周沃壤葱蔭服青犁京兆種方布皇州草未萋九三分位次黍稷按東西釀雨雲容好應霑颺起泥祥風扇盎融金翼影方中間闔千門啟逶迤一路通心因繩武恪禮以重農隆蠶館初諏吉勤民此意同

是年初命皇后舉親

蠶禮

增乾隆十一年

御製三月二十一日耕藉十二韻  
良辰惟吉亥農禮  
事親耕歲舉遵



先典晨開出禁城和鈴鳴噉噉葆羽曜晶晶至止方壇  
近趨蹌列陞平佑

神依古制嘉樂協元聲夙辦粢梁種

豫日中和殿視穀種粢粢

言觀

耒耜呈禾詞三十六田父陌阡行濕濕服葱韞齊齊覆

綵棚三推勤已諭加一訓尤明

加一之禮蓋自我  
呈考始行之

甸者

青箱播疇人玉漏傾不寧倡穡事端以奉

齊盛安得如膏潤寬予望歲情

增乾隆二十年

御製耕藉詞三首

洪縻在手御犁扶京兆司農執事

趨詎止游場循典禮要知農重視農廡  
雨霑春鴈命耕時千畝祥風颭綠旗歲歲躬親不遑逸劬農

家法式勤思

欄輝白玉望耕臺帝藉今年禮倍該

耕望

臺舊以木為之今改建石臺

恰值青郊一犁足惠風合拂曉雲開

增乾隆二十三年

御製耕藉禮成述事

兩歲躬耕藉省春劬農寧敢重

逡巡青箱黛耜陳依舊綠綴華棚罷以新

向以藉畝之上設棚懸綠

以蔽風雨今歲二月始勅所司除之已慰潤泉啟蛰戶更希繼澤見魚鱗

禾詞廿六分明聽八政心欽倡萬民

增乾隆二十五年

御製耕藉擬禾詞四首沃塗膏壤司空掌縹緹紺棘

農正陳率稼供案胥要道敬遵

家法歲躬親千里王畿霽臘雪陽春二月被甘霖

天恩今歲真優渥益為去聲舒心益惕心隴麥芄蔥實

愜懷寧惟耕畝治除佳去年此日那能忘曾是寧寧鎮

雨霽 四推戴禮置朱紘遞進扶犁王與卿諸部回人

列觀預

是日命隨將軍凱旋入覲之哈密郡王玉素富暨各回部貝勒貝子公伯克等於迎駕後並得

入壇 觀禮 俾知國典重農耕

增乾隆三十一年

御製耕藉禾詞 司農京兆進犁鞭黃道迎南直似弦

恭已倡民宜用慎却思將事隔經年

去歲南巡未耕藉

取諸

益象自神農耒耨由來萬古宗自在勤民寶稼穡豈關

刻木飾金龍 春耕仲月早成詩吉亥云當此際宜雖

是司天撰良日究為覲土太遲時

耕藉例涓三月初亥今歲欽天監以初六

日巳亥不宜栽種遂移用次亥播穀之期未免畧晚

三推加一陟臺崇農具農

夫列侯同非不幽風圖日覽關心觸目塵田功

增乾隆三十三年

御製耕藉禾詞

春亥虔因撰吉期翻嫌身先去此為

遲

耕藉例於清明後亥日舉行今歲二月十八日清明故於廿九日行禮

犁鞭裏事胥文

苑

戶部尚書于敏中進犁工部尚書管府尹事表曰修進鞭二人皆內廷翰林

應有佳詞佐

穡儀

戊土歲千籲豐楙子支春仲叶孳萌勤民要務

足衣食穆穆天田此倡去耕聲沃壤平治平聲厥畝千黃

牛拖耒直如弦春郊早見新耕者所喜土膏潤大田

碧宇雲輕風亦輕三推加一歲躬行古禮三推考劬農重穡特加皇

一推每歲遵行率舊典也知非待雨究希雨愛聽春鳩古樹鳴

增耕藉三十六禾詞光華日月開青陽房星晨正呈

農祥帝念民依重耕桑肇新千藉考典章吉蠲元辰時

日良蒼龍鑾輅臨天閭青壇峙立西南方犧牲簋簠升

芬芳皇心祇敬天容莊黃幕致禮虔誠將禮成移蹕天

田旁土膏沃洽春洋洋黛犁行地牛服疆司農種稂盛  
青箱洪縻在手絲鞭揚率先稼穡為民倡三推一墾制  
有常五推九推數遞詳王公卿尹咸贊襄旬人千耦列  
雁行耰耨既畢恩澤滂自天集福多豐穰來牟蕎薥森  
紫芒華薊赤甲私稗秬秠三種黎白黃稷粟堅好碩  
且香糜芑大穗盈尺長五穀五豆充隴場糝粢縻繫九  
色糧蜀秫玉黍兼東廩烏禾同收除童梁雙岐合穎遍  
理疆千箱萬斛收神倉四時順序百穀昌八區九有富

蓋藏歡騰億兆感聖皇

律呂正  
義後編

原顧昂臣帝藉躬耕賦帝在位之九載大業朗以遐  
宣闢兩儀以作事掩六極以為郡四時肇其順序八政  
飭而周愆猶且邇王事之本念民事之艱憲古昔以示  
勸躬往耕乎藉田是月也是麗辰角日移參尾太皞司  
辰勾芒佐理律應夾鍾節惟雨水當木德之在御見斗  
杓之東指林含烟以惹菁華綴露而蒔蔬長川漾而流  
碧芳草靡以成綺萬井與千厓成戎期於于報乃命  
司空治館金吾視壇堦宮岌嶸絳殿璇堦青幄雲駐翠  
幃氛連有崇臺以觀稼亘千畝兮陌阡若天造而地設  
以待聖天子之幸焉爾乃即齋宮坐宣室儼朱紘戴青  
幘祝史正辭巫咸獻吉瑤露朝嚴金根宵飭服葱韞於  
封轅駕蒼龍以綵輶後車備播殖之昆中宮獻種稂之  
實於是勾陳肅隊招搖啟運六軍雷動七枝風驅前披  
雲以建纛後捎星而曳旗草莫莫兮永華花菲菲兮葉



裕至則直廬周設崇卑在位耆老偕觀耕夫咸萃時翠  
旂之從臨歡聲騰而動地爾其配后獲享先農奠倉穀  
與元醴燎芳桂與香芻太牢薦而肥腍太簇奏而從容  
既用虔於裸粢乃躬即乎田功于焉京兆奉鞭司徒獻  
耕牛藏藏以從康莊助時其如砥羣敢而田鼓聲聞三  
推而土膏脈起涉巍臺以俯眺觀萬民之舉趾大徇之  
典行行享醴之誥斯啟時則大宗伯捧策而進曰陛下  
建農祥而發令順陽氣以時行稽千茲於歲甸勤萬乘  
以躬耕示三農以崇本垂百世而為經天子有睟其容  
賑然而喜曰黍稷馨香邊豆以飾者孝子則也三時不  
違唯農是恤者仁之錫也庶土任宜深耕易植者政之  
式也余一人念稼穡之艱難躬耕祇而無違雖六府之  
孔修猶日慎于一日豈止于奉運典而循行幕前修而  
潤色者哉于時上率元臣載拜稽首奉萬歲之觴上一  
人之壽錫玉策而紀瑞編勅鴻猷以不朽頌曰於惟工  
聖象化權兮洪澤汪濊溢八埏兮百祀咸秩儀孔虔兮

爰稽昔典耕藉田兮帝既至止三推先兮羣工卿寺禮  
周愆兮農夫終茲播殖著兮以供粢盛深且蠲兮雨風  
時若大有年兮小臣稽首載颺言兮 顧文康集  
原劉榮嗣駕耕藉田恭紀 青陽膏土勅郊原王軼來  
時出應門自古有年歌帝力於今祈穀荷君恩西晴柳  
帶宮雲暖上苑花迎稼雨繁田畝于時占介福茂梁早

已報曾孫 羊觴集

增李爵藉田恭紀詩 昊天擇厥子惟德不以親聖人

執大象奠物非佚身裡享有常秩幽以悅百神阜求不  
敢私明以媚兆人人神苟無憾黃虞道彌淳 大興縣志

增

先農壇內垣東門外北為

慶成宮南嚮正殿五間崇基石闌前左右三出陛各九

級後殿五間左右配殿各三間正殿前時辰牌石亭一  
內宮牆南三門東西掖門各一外宮牆南中三門左右  
各一門東南鐘樓一壇外垣周千三百六十八丈東嚮  
門二南北並列南入

先農壇北入

太歲殿皆三門角門一

大清會典

臣等謹按乾隆二十年會典進

呈奉

御筆將先農壇齋宮改為慶成宮

原旗纛廟在太歲殿之東亦永樂中建神曰旗頭大將  
曰六纛大神曰五方旗神曰主宰戰船之神曰金鼓角  
銃砲之神曰弓弩飛鎗飛石之神曰陣前陣後神祇五  
猖等衆皆南向旗纛歲內府仲春遣旗手衛官祭于廟  
霜降祭于教場歲暮祭于承天門外

春明夢  
餘錄

臣等謹按旗纛廟舊址即今

神倉乾隆十八年奉

諭旨先農壇舊有旗纛殿可撤去將神倉移建于此又  
原書引春明夢餘錄六纛大神考明史禮志作六  
纛大將彼此互異

增觀音寺在

先農壇南

五城寺  
院冊


臣等謹按觀音寺明崇禎十四年王應魁建鑿井

施茶水今井尚存有翰林院編修魯元寵撰碣

增佑聖菴在觀音寺南

五城寺  
院冊

臣等謹按觀音寺與永定門相近建于明萬曆三十三年有太子太保吏部尚書李戴撰碑



欽定日下舊聞考卷五十五

欽定日下舊聞考卷五十五舉正

天神壇條原書訛作神祇壇按為天神之祀今改



欽定日下舊聞考卷五十五舉正

欽定四庫全書

史部

欽定日下舊聞考卷五十八

六五

詳校官庶吉士臣胡 鈺

檢討臣德生覆勘

總校官進士 臣程嘉謨

校對官進士 臣單可璠

膠錄監生 臣陶聞溥

欽定四庫全書

欽定日下舊聞考卷五十六

城市

外城東城

原崇北坊在新城廣渠門東北角崇文門外東河沿往東至都城東南角至便門東北角七牌三十七舖有天仙廟崇恩觀卧雲庵無量庵崇恩寺卧佛寺增福廟白云寺積穀寺萬福寺

五城坊巷  
衛衙集

臣等謹按天仙廟崇恩觀卧雲庵卧佛寺今存卧

佛寺又名妙音寺

本朝乾隆三十一年重修卧佛猶存後殿增福廟今名  
增福寺又名財神廟在花兒市大街後白雲寺在  
炕兒衚衕萬福寺在花兒市東牆營餘俱無考

原元至大四年十月勅繪武宗御容奉安大崇恩福元  
寺皇慶元年四月崇恩福元寺成

元史仁  
宗紀

原武宗及二后為東西二殿藏玉冊十有二牒玉寶一

鈕

元史祭  
祀志

原延祐元年閏月隆禧院官言世祖影殿有軍士守之  
今武宗御客于大崇恩福元寺安置宜依例調軍守衛

從之

元史  
兵志

原天歷元年以南鎮國寺提舉司改崇恩福元提點所

三年又改為福元營繕司

元史百  
官志

原姚燧

崇恩福元寺碑

至大元年詔羣臣曰昔朕萬

里撫軍躬擐甲胄底平北寇時有願言從他日振旅而

南大建寶利為祖考薦福慈闈祝釐卿曹其灼是懷惟

以其日望松觀咫尺地所宜于都城南不雜闢閣得是

吉土初行工費究其外垣為屋再重踰五百礎門其前

而殿于微左右為閣樓其四隅大殿拱峙為制正方四

出龔室文石席之玉石為臺贊金為趺塑三世佛後殿  
五佛皆范金為席諸天之神刻塑于廡皆梵像變相說  
形林心駿目至其根題視榻藻繪丹碧綠飾皆金不可  
算算櫺櫺櫺架擇陸米字一惟玉石榜其名曰大崇恩  
福元寺外為僧房方丈之南更為行宇屬之復殿庫廡  
庖湍井井有條所立隆禧院北楹二品守以相臣刻四  
外郡收其祖入以給祝髮者乘輿時臨留必信宿又或決  
句功素什八期以四年正月八日大慶贊編奏官校  
何惠其日奄以奉諱皇帝踐位哀先志之弗克懼成功  
之將墜錫教匠臣益虔乃職罷行工曹八留輪司之程  
以早集勅臣燧汝文之碑臣燧載拜稽首作頌曰猗嗟  
梵宮相方視址授其成規維昔天子寫材于江伐石于  
山言士風行草靡無顧又殷相臣汝絳敦匠易衣寒暑  
饑饉汝餉于茲三年大立細捐垂歆落之而陟配天皇  
帝口應朕凡所志有虧未克其在傳次乃勅故司無替  
爾程其用則取邦賦之經佛宇勅為前古有是而其所

無兩聖之治前聖往矣于佛焉依今聖萬年與日齊輝  
滿執長江奉石壽藏善頌之存梵唄故託 牧庵集

原卧佛寺入山門有圓殿佛立其中後殿有卧佛長丈  
餘有十餘佛環立肩背後寺無碑記止西廊一鐵鐘係

正德戊辰年所鑄稱寺曰妙音寺

析津  
日記

臣等謹按卧佛在今寺中後殿至所云有十餘佛  
環立肩背後者今無存

原隆安寺天順間廢刹也萬厯己酉僧翠林自蜀來募  
金錢修佛殿後堂三楹曰淨土社堂列龕五十三結僧

徒念佛歲元旦設果餌享佛盤千數名曰千盤會寺後  
一閣崇禎元年僧大為立

帝京景  
物畧

臣等謹按隆安寺今存創于明景泰五年寺中有題  
名碑記可考

本朝康熙四十七年重建有右副都御史劉兆麒撰碑  
原普陀寺金山寺在崇北坊俱有勅建碑

明順天  
府志

臣等謹按普陀寺今存在東便門內橋北勅建碑無  
考金山寺久廢



原崇南坊在新城廣渠門左安門東南甬七牌三十三舖有地藏寺法藏寺妙音寺寶應寺崇教寺安化寺吉

祥寺

五城坊巷  
衡街集

臣等謹按地藏寺法藏寺妙音寺俱存寶應諸寺

無考

原法藏寺舊名彌陀寺金大定中立景泰二年太監裴善靜修之更曰法藏有祭酒胡濙沙門道孚二碑道孚戒壇第一代戒師世人稱鶩頭祖師者也北地多風故

塢不能空無可登者法藏寺彌陀塢獨空其中可登塢

崇十丈牕八面牕置一佛凡五十八佛佛設一燈歲上

元夜僧然燈遶塢奏樂金光明空樂作天上矣

帝京景物畧

增何景明九日游法藏寺登塔

塔廊徐暗轉不覺此

身高月牕通天漢風簷散海濤望餘秋色遠登去客心

豪去雁休回首冥冥一

羽毛

大復山人集

臣等謹按法藏寺在霍家橋祭酒胡濙沙門道孚

二碑俱存彌陀塢在後圃中即帝京景物畧所云

空中可登者也然今已頽圯矣

增金彌陀寺即法藏寺在外城內寺中有增七級高十

餘文中空可登余少時讀書其旁天氣晴時輒一登北

望宮闕黃瓦參差西觀兩擅松檜鬱茂西山黛色如在

簷前

夫府  
廣記

增劉效祖法藏寺捨詩  
幾年不出城南路  
偶為幽寺過梵宮  
四壁烟霞空白日  
滿堂鐘磬動秋風  
浮圖影落青林外  
舍利光生晦夜中  
阡壠縱如閒步暝  
九霄鈴鐸認西東  
帝京景物畧

增毛銳法藏寺塲詩  
虛塲憑高立天風吹寂寥  
院花開昨日碑字認前朝  
風影壇光動鈴聲海夜潮  
諸天來

肅肅星宿動  
寒霄同上

原大悲寺在崇南坊有勅建碑

明順天府志

臣等謹按大悲寺久廢

增育嬰堂在廣渠門內夕照寺西

本朝康熙元年建

五城寺院冊

臣等謹按育嬰堂創始于大學士金之俊學士胡兆龍繼之者有馮溥龔鼎孳姚文然趙之符王熙行之數十年雍正二年

世宗憲皇帝特宣

恩旨頒帑千金并

賜功深保赤扁額又

御製記文以示獎勵並

勅各省督撫募勸好善之人照京師例行之

皇上御極以來廣沛恩膏時加賑給仰見

聖朝深仁厚澤無微不至洵非前古所及也

增雍正二年奉

上諭順天府府尹等京師廣寧門外向有普濟堂凡老

疾無依之人每棲息于此司其事者樂善不倦殊為可  
嘉

聖祖皇帝曾賜額立碑以旌好義爾等均有地方之責  
宜時加獎勸以鼓舞之但年力尚壯及游手好閒之人  
不得借名混入其中以長浮惰而生事端又聞廣渠門  
內有育嬰堂一區凡孩穉之不能育養者收留于此數  
十年來成立者頗衆夫養少存孤載于月令與扶衰恤  
老同一善舉為世俗之所難朕心喜悅特賜扁額並賜

白金爾等其宣示朕懷兼倡率資助使之益加鼓勵再  
行文各省督撫轉飭有司勸募好善之人于通都大邑  
人烟稠集之處若可以照京師例權仿行之其于字弱  
恤孤之道似有裨益而凡人怵惕惻隱之心亦可感發  
而興起也

增

世宗御製育嬰堂碑記 朕撫御寰瀛子育兆庶欲使  
溥天之下咸躋仁壽之域粵稽周禮有慈幼之文載記

有養孤之典德意深厚施及襁褓蓋王政之仁雖鳥獸之胎卵草木之萌芽皆為之教令以愛護之使至于生植而況于人乎國家太平日久丁口蕃息或有不能自鞠養者朕惻然念之京師廣渠門內舊有育嬰堂一區以字遺稚顧其規制未脩所存濟者尚少朕用賜之題額以重其事又賜帑金特諭府尹重加經理公卿士庶多有捐貲為善者凡乳保醫療之人寒暑衾服之具施設周詳行之可久孔子曰大道之行也不獨親其親



不獨子其子言孝慈之道廣也詩曰商邑翼翼四方之  
極言京師者四方之表也誠使九州之內自通都大邑  
至于市鎮繁富之所郡縣長吏各殫厥心倣此而推行  
之倡好義之事宏恤孤之政豈惟保抱攜持幼得所養  
而人人興起其仁心喜于為善則老安少懷風俗益臻  
醇茂斯朕之所厚望也夫

增雍正十三年奉

上諭京城有普濟堂二處育嬰堂一處收養無依之窮

民拋棄之嬰孩由來已久其經營之人實心行善有存  
孤之意恤老之風從前

皇考兩賜帑金並

賜溫綸以旌義舉今朕即位廣沛恩膏而輦轂之下樂  
善良民敦行不倦朕心嘉悅三處各賜銀五百兩以助  
其養贍之費著內務府即行給發並朕旨宣諭知之

原夕照寺其建置年月無碑記可考或云燕京八景有

金臺夕照此寺之所由名也

析津  
日記

臣等謹按夕照寺在育嬰堂東創建年月無可考  
據趙吉士育嬰堂碑記云夕照寺順治初已圯僅  
存屋一楹蓋其來久矣今殿宇甚完整又考燕京  
八景之金臺夕照在朝陽門外析津日記云此寺  
以是得名誤也

原安化寺在崇南坊有勅建碑

明順天府志

補安化寺正統八年賜額有光祿卿雲間張天駿碑記

行國錄

臣等謹按安化寺今存勅建碑無考張天駿碑今在寺中

增萬柳堂在廣渠門內為

國朝大學士益都馮溥別業康熙時開博學鴻詞科待詔者嘗雅集于此檢討毛奇齡曾製萬柳堂賦今其基周圍一頃餘內有小土山即昔蓮塘花嶼也

京城古蹟考

臣等謹按元廉希憲萬柳堂在今右安門外草橋相近詳見郊垌門此則臨朐馮溥別業蓋慕其名

而效之者也後歸倉場侍郎石文桂有

御書樓恭懸

聖祖御筆額曰簡廉堂聯曰隔岸數間斗室臨河一葉  
扁舟又有

御書石刻數方嵌于壁間康熙四十一年石氏建大悲  
閣大殿闕帝殿彌勒殿捨僧住持

聖祖御書拈花禪寺額賜僧德元今恭懸大悲閣上

增毛西河徵車赴京時益都相公大開閣請召諸門下  
士共集于城東之萬柳堂卽席爲賦時作者三十人益

都以其篇屢卷次日侍讀喬君為傳寫一通謬為已作以示晉峨嵋司或峨嵋曰此非君作也然則誰作曰此非西河不能也一時親傳

之以為佳話

西河集

增毛奇齡萬柳堂賦有序萬柳堂者益都相公馮公之別業也其地在京師崇文門外原隰數頃污萊深廣中有積水得潛流潦既鮮園廡而又不宜于梁稻于是用鑿錢買為坵塲垣之塹之又偃而濬之而封其所出之土以為山巖陀峽曲被以雜卉構堂五楹文珩碧砌花蘭菲蔚蕨萐于地其外則長林彌望昔種楊柳重行叠列不止萬樹因名之曰萬柳堂歲時飯沐于其中自王公卿士下逮編戶為醫傭隸並得游燕居處不禁不拒一若義堂之公人者皆都城門外多羣公所置別業如樊川金澗澗塹韋谷以及富鄭公園田游巖宅之類並有山亭水榭魚鳥花竹之勝然數傳以後或存或毀未必當時為世道也今以公所營而校之于昔不無模

當然而曠濫之懷與物同之且去此數里穿池救魚養  
畜乳婦而驚無主之嬰兒其于游觀自得之外更有會  
焉故其衍曰太平其坊曰隆興而其途之榜則曰救養  
蓋取東南近籍教侯之養之義至若元時豐臺有萬柳  
堂與此地異雖其名同非以襲其事也因為之賦 若  
夫城南杜曲郭內張田坊名履道地類平泉上宰欽賢  
之館相公獨樂之園開丙舍于廣陸尋午橋之通川綠  
野匪伊闕之舊藍田出輞水之間豈若謝氏東岡潘仁  
西宅林繞桐園溪連梓澤花飛會老之堂草滿藏春之  
城園竹木于游巖拾槐枝于李石安邑之玉杯易梓永  
寧之金盞可擲築日華之館而康其資奪沁水之園而  
減其值乃若院因起草巖有退思星辰相聚雨露攸滋  
谷口賜逍遙之榜池邊吟醉白之詩雖不遠金槐堂近  
規模省閤苑千重蓮池萬頃壘三山之亭倒九柱之景  
李下無愧賢之名竹中有解經之請喜鳳侶之棲遲待  
鸞車之行幸又況心存公物道在開濟徃內府之無關

致重門之撤備韓混作夾廡而更襲裴均歛垂簾而無  
計總鮮鄒侯垣舍之心原無陳仲埒除之意是用經營  
既窺規偃猶澤除地町町築墻索索編棘為樊牽蘿作  
蒨立襲荷之柱開金杏之調程勃為之掃門陶侃于馬  
運甓夸娥之邱望而可就愚公之山移而即得穿林置  
故鶴之亭鑿渚見藏魚之壑蜀女因照水而屏開越王  
將渡溪而履落于是徑設朱欄橋成紅板雁齒塔長蹲  
鵝柱短天垂汲水之虹岸接通泉之寬遂使山髻如螺  
峰頭似纖粉浪冬遶紅泉春淺編錢作溝採琴在磬巖  
共壑為七盤水隨山而九轉乃致人疑皇子之陳容許  
鄭公之谷呼白雉于山阿泛紅鹽于水澳在庭有蘭杜  
之軒在水有芙蓉之袖既梁麗以來游亦染巾而競逐  
錢鏐之斟雄方馨函鼎之烹雞已熟燃炕脂于白水之  
濱聽鳥語于青柯之麓啣杯擗王氏之牀倚檻和燕人  
之筑元規當此處而興生文正且因之以為樂然而梁  
亭之瓜不分彼我牛山之杏無間飽饑故魯國有行惠



之樹清平畜濟生之池寧成給陂田以游以燕元琰治  
蔬園如取如攜又沉靈園莠莢頗供想株芳林草木可  
娛心耳故其為樹也以千章之材為百年之計郁郁菲  
菲狎獵旖旎浚山一桃渤海九李墻下來禽林間新  
雉乃有紅羅館後之梅碎錦坊南之杏青門五色之瓜  
烏桺八稜之柿潘家以大谷成名庾信之小園難比擷  
碧蘿于書帶之間繡綠草于裙腰之裏笑蘿女之垂釵  
留宛童之遺屐綠巖分竊衣之花繞砌種搖車之藟將  
欲捋蒲以求仙何止拔茅而進士又況東門之楊其葉  
涓涓漢宮垂柳千株萬株長條短幹第鬱依紆綠綠縷  
縷或結或舒參天踈地旁苑臨渠如帷如幔一區兩區  
行列成門蓬童似廬低堪繫馬深可藏鳥彭澤之家園  
盡蒔武昌之官道皆除葉葉蔽長康之目條條染李子  
之裙張緒之當年無時不見王恭之春月何地能淪足  
固合平邱之種而不加其盛增元豐之植而轉見其疎  
況乎荏苒谷珠名檀河異地南垓之浪難平官渡之城未

閉章臺夫眉嫵之青楚苑嘆宮腰之細節度移振武而  
驚其成林司馬過金城而羞其破涕又況春半飛花日  
長飄絮灑灑池塘漫漫江路雖御藥以為重鴛裝錦而  
逐婦釀酒來蠻女之思魚秧起貴嬪之妬雖復種移即  
省賦試貢士接凡列之銜望三衢之市猶且徘徊綠天  
淪連碧沚塞谷相望宮牆遠倚青眼垂來黃鸝啼起枝  
着雨而低迷葉迎風而披靡恍淑氣之移人攬選情而  
自喜置身冥柏之柳曠望熊山之趾離塵垢之紛紜與  
天地為終始因錫之以嘉名

西河集

增采葵尊萬柳堂記 度隙地廣三十畝為園京城東  
南隅聚土以為山不必帖以石也稍構以為池不必甃  
以甃也短垣以緣之騎者可望即其中境轉而益深園  
無雜樹遠邇下上皆柳故其堂曰萬柳之堂今文華殿  
大學士益都馮公取元野雲廉公燕遊舊地以名之也  
古大臣東國政往往治園囿于都下蓋身任天下之重

次定可軍人監司

者歟堂成後適四方人士應召至京師公傾心下交貧者為致館病者饋以藥喪者聘以金一時行情迷德成歌詩頌公難老又慮公舍斯堂而請歸里也爭賦詠公前期公樂之而不去曩尊推鄙無文獨未獲游公之門其為斯堂記者譬猶山禽楚雀啁啾翠陰之交公之聽之未必不欣然悅于耳焉 曝書亭集

增陳其年萬柳堂修禊倡和詩序 蓋聞歲紀上除詩詠秉蘭于消渙春惟元巳史標聯柳于華林都下咸洛濱之戲千里安期山陰流曲水之觴興公逸少頗特追騁華文于劉宋花在臺端王寧朔騰玉藻于蕭齊春生楮裏三月三日水面麗人一咏一觴林邊名士亦云在昔以迄于今則有章曲名莊平泉別業黃扉上相欣逢戒浴之辰綠野元公喜屆祈蠶之序鶯遷郭外鳥闌仍開蝶舞花間小車隨到裙屐簇謝庭之子弟輯輶馭馬帳之生徒時則上陽宮外積霽初晴宣曲觀前游氛乍斂天裝卯色斂成雙闕之紅岫林雲藍滴作萬家之

翠綳羽既踰躔乎綺陌新英亦溶漾夫銅溝鞞綠帽影  
爭窺白傅之池臺松韻泉鳴競和東山之綠竹蘭肴載  
載桂醪新筍我師爰呼四座而言此樂實駕千春而上  
生民之始厥有豪雄自我而前非無賢達間復留連節  
物撫弄景光然而星移物換竊或因身世以停歌樂往  
哀來究且瞻關河而罷酒綬或放懷清曠陶情詎遂以  
忘情寄意流洋齊物亦何能遺物曷若鄭子產之池內  
長有生魚周茂叔之階前雅多青草流行坎止悟大造  
之無心今是昨非笑前賢之多事詩成七律人各二章  
庶幾南樓清興老子何減于諸君依稀東魯高風狂士  
偕遊乎童冠云

爾

陳檢討集

補崇文門東南有淨度寺按元張中丞養浩作其子雁  
奴擴銘有云權厝文明門外淨度寺之南原寺蓋元時

有之矣

人海記

臣等謹按淨度寺今無考

欽定日下舊聞考卷五十六

欽定四庫全書

欽定日下舊聞考卷五十七

城市 外城南城一

臣等謹按朱彝尊原書南城壇兆上載明代而不  
及金元考元史祭祀志中統十二年於麗正門外  
東南七里建祭臺設昊天上帝皇地祇位成宗即  
位始為壇於都城南七里則知元之郊壇亦在城  
南又考析津志郊天臺在京城之南五里即金大

定時拜郊所建然則原書載在郊垌金之拜郊臺者即是也今附述緣起於此以存金元壇兆舊典而其詳則見於郊垌門云

原天壇周十里內有園丘神樂觀天師府犧牲所在正陽門外永定門內街東

五城坊巷  
衡街集

原天壇在正陽門之左永樂十八年建緣以垣牆周迴九里十三步初遵洪武合祀天地之制稱為天地壇後

既分祀乃專稱天壇

春明夢  
餘錄



原嘉靖九年正月吏科都給事中夏言請更定郊祀言  
國家合祀天地於南郊又為大祀殿而屋之設主其中  
弗應經義古者祀天於圓丘祭地於方丘圓丘者南郊  
地上之丘丘圜而高以象天也方丘者北郊澤中之丘  
丘方而下以象地也南郊之壇曰泰壇以之燔柴北郊  
之坎曰泰圻以之瘞埋此古之制也是故兆於南郊就  
陽之義也瘞於北郊即陰之象也此分祭天地各正其  
所凡以順天地之性審陰陽之位也況壇於南郊雖以

就陽亦因高之義坎於北郊雖以就陰亦因下之義豈  
有崇樹棟宇擬之人道哉乞勅多官集議以求至當上

嘉之

明典彙

原詔博采公議主分祭者昌國公張鶴齡定國公徐延  
德懷寧侯孫瑛瑞安侯王橋駙馬鄒景和謝詔安仁伯  
王桓玉田伯蔣榮慶陽伯夏臣崇善伯王清都督夏助  
右都御史汪鉉府尹黎奭府丞黃鍾中允廖道南編脩  
程文德給事中夏言蔡經張潤身李仁王聘田秋周祚

300

戴鑑馬昂張鉞凡八十二人主分祭而以成憲及時未  
可為言者平江伯陳圭大學士張璉翟鑾侍郎董玘張  
雲臣陳洪謨閻淵副都御史唐龍僉都御史李如圭通  
政使張瓚卿黃宗明曾直少卿林有孚戴時宗沈先史  
道寺丞周鳳鳴簡霄朱昭陳綬葉松何鍾陳雲章葉廷  
芳彭黥脩撰龔用卿編脩張星給事中王守御史許廷  
桂張惟恕盧問之傳漢臣謝蘭寺正陸鰲王天民寺副  
王鴻漸林士鳳朱節胡湘評事陳經應杲吳埴孫裕戴

昇余裴龔治司務劉贊襄馬顯主簿周文定都事陳貴  
韓勛典簿宋文焄陳琅署正宋鈐袁煥蒲敏元邊偁署  
丞李繼元况道余定李儼劉壽李珏丁應南張夢徵楊  
茂深羅其賓陳珮秦學書監事楊臣秦昌勝董檜馬圖  
劉鐘鄭時明劉審徐芳張侔鄒儒李瑞陽要秀吳晃丁  
如紀袁如霖凡八十四人主分祭而以山川壇為方丘  
者尚書李瓚編脩歐陽德歐陽衢給事中魏良弼御史  
傅炯余鈞員外郎余光祉行人司正邊彥賂右司副劉

守良行人李遂王禎傳學禮秦鰲方太和沈謐周汝貞  
柯喬孫世祐李寔莊用賓田濡蔡穀睦華原宋曾約等  
凡二十六人主合祭而未嘗以古禮為非者尚書方獻  
夫李承勛梁材許讚章拯侍郎徐縉蔣璠蘇民卿葛浩  
詹事霍韜顧鼎臣通政宋滄陳經叅議劉繼德孫繪劉  
日乾卿魏校庶子穆孔暉諭德彭澤贊善林文俊蔡昂  
學士張潮吳惠席春許成名脩撰倫以訓姚涑王用賓  
編脩張袞楊維傑徐階祭酒許誥司業林時給事中王

汝梅趙廷瑞曾仲魁董進第陳侃御史譚纘王袞陳講  
王道范安王杲趙允吳麟國士翺葉照朱觀方遠廖自  
顯郎中劉序李默鄧高義王道王松范伸劉從學黃瓚  
史麟許繼宋銳吳檄盧襄吳縉華鎰黃禎張經王大化  
盧蕙榮察汪堅易鑒張瑤姚世儒閻溥陳文譽劉佐候  
緘甘為霖丁洪車純汪漢金中夫員外郎張廷馮世雍  
李世臣王激王三省吳冲冠天與陳良策廖雲龍伍餘  
福屠倬王莘郭田王旒呂顯張羽李瑜趙葉揚鏞黃澄

張邦教余述張淑郁山主事楊麒全徽緒顧陽和吳允  
祿任瀚鄺汴汪居安馬坤鄭琬黃潤江滙屠指陳大珊  
曾世昌苗汝霖徐子貞熊汲何鰲趙時春王學益王應  
擯徐官駱顯傳好禮汪以達蔡子舉李喬陳賁諸傑張  
臬毛衡賈名儒陳耀朱子和蘇民夏玉林陳箴程綬屠  
應竣施昱謝綰郭宗臯王自俊林瓊康世隆查懋先諸  
邦憲李翔郭東聰高仲嗣陸時雍張參王鈺馮冠龔轅  
中書舍人郭俊司務張國紀高臣李克中張鵬吳道南



李槃于喬張仲良周紳蘇民照磨丁律檢校宋斌張豈  
監丞徐炳典簿鄧祀博士王廷臣林文卿王昌蘇璞王  
金章助教魏琦陳謨陳禧金周陳琦薛僑譚諫林思誠  
范震臣李邦祥學正房堅任冕蔡奇范儒汪此林文林  
邦望學錄李賓趙誌陳界彭元陽典簿曹鳳翔凡二百  
六十人無可否者英國公張崙等一百九十八人

明嘉靖祀

朱彞尊原按郊祀分合持議異同姓名可見者三

百九十八人國史所不能具載因備書之蓋內外  
小臣咸得與焉亦以見當日詢謀之廣也

原五月作圜丘於天地壇稍北為皇穹宇

明典  
彙

原圜丘第一層壇濶七丈高八尺一寸四出陛正南陛  
濶九尺五寸九級東西北面陛俱濶八尺一寸九級壇  
面及壇脚用琉璃闌干第二層壇面周圍俱濶二丈五  
尺高八尺一寸正南陛一丈二尺五寸九級東西北面  
陛俱一丈一尺九寸五分九級壇面及壇脚用琉璃磚



丈尺同東西北櫺星門濶一丈一尺九寸五分甬道丈

尺同

存心錄

原禮臣言園丘之制大明集禮壇上成濶五丈存心錄則第一層壇濶七丈集禮二成濶七丈存心錄則第二層壇面周圍俱濶二丈五尺蓋集禮之二成即存心錄之一層存心錄之二成即集禮之一成矣臣等無所適從濶色叅詳是在皇上裁定奉旨園丘第一層徑濶五丈九尺高九尺二層徑一十丈五尺三層徑二十二丈

俱高八尺一寸地面四方漸墊起五尺

明嘉靖  
祀典

原園丘外圍方牆門四南曰昭亨東曰泰元西曰廣利  
北曰成貞內櫺星門南門外東南砌綠磁燎爐傍毛血  
池西南望燈臺長竿懸大燈外櫺星門南門外左設具  
服臺東門外建神庫神厨祭器庫宰牲亭北門外正北  
建泰神殿後改為皇穹宇藏上帝太祖之神版翼以兩  
廡藏從祀之神牌又西為饗駕庫又西為犧牲所北為  
神樂觀成貞門外為齋宮迤西為壇門

春明夢  
餘錄

原皇天上帝正位南向太祖配位西向東一壇大明之神西一壇夜明之神東二壇二十八宿之神西二壇雲師雨師風師雷師之神

明嘉靖  
禮典

原圜丘第二層上設大明星辰位居東夜明太歲位居西內壇東設風雲雷雨師位天下神祇壇在外壇之內

存心  
錄

原昊天上帝配帝位版長二尺五寸濶五寸厚闊寸跌高五寸黃質金字大明之神金地硃書夜明之神黃地

素書五星二十八宿周天星辰之神俱綠地金字雲師

雨師風師雷師之神俱丹漆金書

明嘉靖  
祀典

補國朝於大祀殿祀昊天上帝凡所謂天皇太乙之類

一切革去三代以下祀典之正所僅見也

博物  
典彙

原永樂十八年北京天地壇成每歲合祀洪熙元年奉

太祖高皇帝太宗文皇帝同配享嘉靖九年勅建園丘

於大祀殿之南每冬至祀天以大明夜明星辰雲雨風

雷從祀建方澤於安定門外每歲夏至祀地以五嶽五

鎮四海四瀆陵寢諸山從祀俱止奉太祖一位配享而罷太宗之配其大祀殿則以益春上辛日行祈穀祭奉太祖太宗同配十年又改以啟蟄日行祈穀禮於圜丘仍止奉太祖一位配享十七年秋九月詔舉明堂大享禮於大內之元極寶殿奉睿宗獻皇帝配享元極寶殿即舊欽安殿也是冬十一月上皇天上帝尊號十八年春行祈穀禮於元極寶殿不奉配二十四年拆大祀殿改建大享殿命禮部歲用季秋行大享殿禮隨又命仍





清陽玉葉之類唐每郊祀啟南門灌其樞用脂百斛今

都城南門亦閉不開惟郊祀駕出方啟

穀城山房筆塵

原萬歷十三年四月十七日上以天旱禱於郊壇自宮

中步行而出禱畢仍步還宮

景瓦編

原蔡羽郊壇詩

輦道風清碧野平紫烟常自鎖南城

行宮歲幸乘龍近仙侶朝來學鳳鳴小殿沉香金氣鬱  
園丘芳草玉華清祠官記得天行處萬燭光中候珮聲

林屋集

補許穀謁皇穹宇詩

分祀崇郊典嚴居肅帝宮高明

一祖配陟降八神同紫氣團華蓋元陰接上宮萬年瞻

東壁靈飢自無窮

石城集

原黎民表雨後經天壇沙河作

平沙雨濕草茸茸白

玉高壇紫翠重馬上行人看不厭石廊流水遠踈松  
瑤石山房集

原馮琦恭陪聖駕步禱南郊紀事詩  
龍虎新軍罷勾陳御路開紅塵都不掃留待雨師來  
北海集

增

圓丘在正陽門外南郊形圓象天南嚮三成上成徑九  
丈高五尺七寸二成徑十有五丈高五尺二寸三成徑  
二十一丈高五尺上成石面九重自一九環甃遞加至  
九九二成自九十遞加至百六十有三成自百七十  
有一遞加至二百四十有三合一三五七九陽數每成

四出陞皆白石九級上成石闌七十有二二成百有八  
三成百八十合三百六十周天之度柱如之內壝形圓  
周百有六丈四尺高五尺九寸壝門四皆六柱三門柱  
及楹闕皆白石扉皆朱櫺壝外東南丙地燔柴爐一高  
九尺徑七尺甃以綠琉璃瘞坎一東南燎鑪五西南鐙  
杆三外壝形方周二百十丈一尺高八尺六寸門制與  
內壝同燎鑪四分設於壝東西門之左右壝北門後為  
皇穹宇南嚮環轉八柱圓檐上安金頂基高九尺徑五

丈九尺九寸石闌四十有九東西南三出陛各十有四級左右廡各五間一出陛殿廡覆瓦均青色琉璃圓垣形圓周五十六丈六尺八寸高丈有八寸南設三門崇基石闌前後三出陛各五級外牆東門外東北隅

神庫

神厨各五間井亭一祭器庫樂器庫棧薦庫各三間又東為宰牲亭井亭各一牆外內垣門四東曰泰元南曰昭亨西曰廣利北曰成貞皆朱扉金釘縱橫各九昭亨

門外東西石坊各一

會典 大清

臣等謹按明嘉靖九年定分祀天地之議於大祀

殿南建

圓丘

本朝因之重加繕治其制益備乾隆十四年

上以

圓丘壇位張幄次陳祭器處宜量加寬廣

命仍九五之數而展拓焉十八年復鼎新

南郊壇宇一切規模稟承

指示凡崇卑之制象色之宜無不斟酌盡善仰見

聖心昭格之虔至周至悉云

增歲以冬至祀

皇天上帝奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝配以

大明

夜明

星辰

雲雨風雷從祀

上帝位第一成南嚮

列聖東西嚮



四從位第二成

大明西嚮

星辰在其次

夜明東嚮

雲雨風雷在其次均設青幄

上帝蒼璧一帛十有二犢一登一簋二簋二籩豆各十  
有二尊一爵三鎗一鐙六燔牛一

列聖均帛一犢一登一簋簋各二籩豆各十有二尊一

爵三鑪一鐙四

大明

夜明均帛一牛一登一簠簠各二籩豆各十尊一爵三  
琖二十鑪一鐙二

星辰帛十有一

雲雨風雷帛四均牛一羊一豕一登一鉶二簠簠各二  
籩豆各十尊一爵三琖三十鑪一鐙二玉帛寔於篚牲

載於俎尊寔酒疏布幕勺具

會典大清

增先祀一日

皇帝御龍袍袞服乘禮輿出宮至

太和門階下降輿乘輦入壇西門至

昭亨門外降輦由左門入詣

皇穹宇於

上帝

列聖前上香行三跪九拜禮詣

園丘視

壇位視遵豆畢由內壝南左門出外壝南左門至神路  
右陞輦詣

齋宮

同上

增祀日日出前七刻

皇帝御祭服乘輦至外壝南門外神路右降輦由外壝  
南左門入內壝南左門陞午階至二成黃幄次

皇帝就拜位立迺燔柴迎

帝神樂奏始平之章

皇帝詣第一成

上帝位前跪上香次詣

列聖配位前上香

皇帝復位行三跪九拜禮乃進玉帛奏景平之章

皇帝陞

壇  
詣

上帝位前奠玉帛以次詣

列聖配位前莫帛

皇帝復位迺進俎奏咸平之章

皇帝陞

壇詣

上帝位

配位前跪進俎復位行初獻禮奏壽平之章舞千戚之  
舞

皇帝陞

壇詣

上帝位前跪獻爵奠正中退就讀祝拜位立司祝奉祝  
版跪祝案左樂暫止

皇帝跪司祝讀祝畢樂作

皇帝行三拜禮興詣

配位前以次獻爵行亞獻禮奏嘉平之章舞羽籥之舞  
皇帝陞

壇以次獻爵奠於左儀如初獻復位行終獻禮奏永平  
之章舞與亞獻同

皇帝陞

壇以次獻爵奠於右儀如亞獻復位光祿卿奉福胙進至

上帝位前拱舉

皇帝詣飲福受胙拜位立跪受爵受胙三拜興復位行三跪九拜禮徹饌奏熙平之章送

帝神奏清平之章

皇帝行三跪九拜禮有司奉祝次帛次饌次香恭送燎



所奏太平之章

皇帝由內壝南左門出至望燎位望燎禮成

皇帝由外壝南左門出至昭亨門外陞禮輿大駕鹵簿  
前尊尊迎樂作奏祐平之章

皇帝回鑾還宮

同上

臣等謹按我

皇上御極以來仰承

列聖敬

天之忱每歲恭遇

南郊大典必躬必親為古帝王所未有乾隆十三年

上以祭器沿明之舊未昭備物

命準古制易之二十六年臨江得鑄鐘復

勅令參考仿製副以特磬於

大祀時敬謹陳設其餘一器一物凡折衷至當之處悉

經

審裁審定垂示方來

大聖人昭事之誠無微不至精忱所格有貫徹於儀節  
之表者億萬年

景貺綿長益頌凝承之有自矣

增乾隆元年

御製冬至

南郊詩 黃鐘應律肇千祥喜見

天心復一陽子夜灰飛旋淑氣

泰壇日麗散晴光明禋盛禮稽三代御世鴻猷愧百王

祇祝精誠通

帝載眷予寰海樂倉箱

增乾隆四年

御製冬至有事於

南郊敬成八章章八句 於昭

天鑒眷於有德祐我

太祖東土是式

帝命不顯皇清不靈明德惟馨以畀萬邦

一章

赫赫

太祖

天篤其祜穆穆

太宗丕顯丕承駿德光昭爰受鴻名建國紀元肇定大

清  
章二 暨我

世祖混一區夏

聖祖紹之容民厚下民安於耕物適於野六十一年惟

天降嘏  
章三

皇考翼翼思為君難立綱陳紀祗承克艱授位渺躬受

命自

天敬念紹庭敢忘寅虔

四章

日惟長至爰卜

南郊三齋五戒將事吉朝式瞻百辟玉珮金貂式虔爾

心無或遁還

五章

爰升燔柴燔柴惟烈爰陳俎豆俎豆

惟潔惟予小子敬捧蒼璧明明

帝神尚其來格

六章

神之格思降福穰穰敢曰予小子誠通

昊蒼自我

祖宗受嘏惟純

景命綿綿逮我後人

七章

伐鼓淵淵建旆翩翩祀事用

成福祿來駢匪以祭而專匪以燕而遷對越

昊天豈敢間兮乾乾

八章

增乾隆九年

御製冬至有事於

南郊敬成 伊古誠為貴匪今祭以時微陽爰始復殷

禮敢云遲捧璧

青壇肅陳愆素慮知黃鐘方應律元酒亦盈卮轉歎誠

乾造綏豐詎我期

今歲二麥無收五月望後始得雨而秋收倍常有獲實天恩浩蕩喜

出望

外也

天恩奚可恃祈歲厯長思

增乾隆十三年

御製冬至

南郊述志詩 寅祀

南郊殷薦陳銅邊依古制更新

國朝一切禮儀率依明制

郊廟所用祭器



徒存其名皆以荒盤代之相沿未改亦不知始訛於何時朕以既用其名宜備其物特勅廷臣議更古制今冬至大祀始用之於南郊一陽資始月纔朔月二日自是而諸祀皆用古禮器矣

六壇均調歲復春昭格最云歆

上帝敕寧端藉任元臣維揚我武邀

靈貺即看書勲閣起麟

金川本非勳冠祇以用匪其人以致久弗成功茲大學士傅恒

忠誠夙著立志滅寇故用為經畧託以干城師行之吉卜於月之三日適以預日大祀南郊儼對越於咫尺希慈祐之昭明曷

勝有願惟期底績云

增乾隆二十年

御製冬至

南郊詩 南飛金翼影長時

元時趨承

帝幕垂拱北辰星辰環紫極被西聲教藉

皇禧捧盈牀惕厲無斁嫌畏披猖致不期

阿睦爾撒納因軍營大臣

發其逆跡懼誅思遁而將軍等不能遵朕指示即時擒戮遂致逃竄正在發兵搜捕捷伐新俘翼

重佑永寧邊海戢貞師

增乾隆二十二年

御製冬至

園丘禮成述事

配藜佳氣燒樵蒸奠璧

園丘祖業承日在駿狼飲敬授陽迴堪泰著

明徵於昭

陟降依

左右敢曰馨香薦豆登寧遠尚惟希

景祐

阿睦爾撒納遁竄未獲  
西路軍務尚在籌辦

持盈更益勵兢兢

持盈更益勵兢兢

增乾隆二十三年

御製冬至

南郊述事 金鳳占風來廣漠鴻龍轉律啟韶陽六宗

依典修元祀一意惟欽對

昊蒼澤國幸邀

賜豐稔

今年豫東江南各屬以水利工竣咸獲豐稔

頑狃更冀靖狂猖背恩

戕使先開釁

逆狃大小雨和卓未為厄魯時拘繫有年矣自大兵定伊犁始釋其囚俾長故地乃

狼子野心竟致反噬戕我副都統阿敏道蒙由逆啟申討非得已也曲直間惟

帝鑒詳

增乾隆二十六年

御製冬至

南郊禮成述事 亞歲迎禧

首祀行在懸應律肇陽生鐫鐘特磬稽前制

此因臨江得古鐫鐘

參考仿製副以特磬大樂條  
理乃備今 大祀始用之 玉振金聲集大成一統咸

賓欽

錫美重熙幸際慎持盈敢希

穆穆居歆眷庶

鑒夢夢對越誠

增乾隆二十九年

御製冬至

南郊禮成述事 運斗璠樞北中繩見

天心日肇

裡應式儀洞屬升三獻調律和諧引八能綏屢同民沐

乾賦

今年各省多獲有收直隸尤稱倍稔為十  
數年來所未有感荷 殊施彌增忻悚 捧盈切

已凜冰兢

五朝左右膺多福敢不

鴻禧疊繼承

增乾隆三十九年

御製冬至

南郊禮成述事 雪霑三寸先三日

祀舉一朝凜一忱省歲有豐還有歡沐

恩惟厚益惟欽青齊黃瀆胥歸靖

山東青張運匪王倫等糾衆作亂侵擾三

縣劫庫戕官搶掠臨清舊城肆掠村鎮特發八旗勁旅千餘命大學士舒赫德等往彼統率經理數日即盡勦

滅距其起事甫及一月而淮安外河老壩口堤工漫溢處自堵築至合龍僅二十日兩事皆成功迅速實賴天祐

索諾丹巴願早擒

金川土司索諾木急呼之則為

也人最奸狡者今阿桂已統兵攻克格魯古一帶碉寨即日可抵勒烏圍聞逆酋索諾木及莎羅奔兄弟皆聚於彼惟冀上蒼嘉祐一子月恰當陽復子

是日子正鼓成擒更得迅速藏功耳

倍顯義象見

天心

增乾隆四十年

御製冬至



南郊禮成述事 欣逢月朔復初陽恰值

天開甲運昌

是日甲戌

卅載承

禋幸躬藐

自乾隆元年冬至躬詣行禮始迄今四十年

南郊大祀歲必親行從未遣官恭代

三成學禮挈兒行

命詣皇子侍承祭時拜立進獻

壇上瞻禮俾知余

奉 禮者如此明於昭侑座配

列祖默啟綿基額

上蒼鴻捷更希報早晚

阿桂等奏攻克西里要隘明亮等奏攻得扎烏古山梁兩路連

次奏捷官軍乘勝深入應刻期馳報紅旗益祈

洪佑速聞耆定武維揚

增凡常雩之禮歲以巳月龍見卜日記

皇天上帝於

圜丘為百穀祈膏雨

大典會典

增先祀一日

皇帝齋宿於

南郊詣

皇穹宇上香詣

圜丘視

壇位

神庫視籩豆

同上

增祀日設

皇天上帝位

配位

從位均與冬至大祀同

上帝前用帛一與

祈穀同樂章燔柴迎

帝神奏霽平奠玉帛奏雲平進俎奏需平初獻奏霖平  
亞獻奏露平終獻奏霑平徹饌奏靈平送

帝神奏靈平望燎奏需平餘儀俱與冬至大祀同

臣等謹按雪祭在

圜丘壇謹編次於

圜丘之後

增乾隆九年

御製四月八日雪祭

圜丘敬成六韻

泰時修殷薦雲宗亨

昊乾豆登初飮饌燔燎已升烟龍見猶指雨秧萌欲萎

帝眷切已慮民天庶政修三事羣工秉一虔變變親步  
禱藉以謝尤愆

增乾隆十四年

御製常雩禮成敬述 載舉常雩祀

秦園春霖早慶遍公田更因需需求優渥敢恃

帳幔弛敬虔樂具卿雲扶瑞日禮成和氣散祥烟

南郊近日邀

殊貺果得膚功定蜀川

上年十一月二日冬至有事於南郊即於次日命經畧大

學士傳恒啟行繞屆兩月金川平定奏凱班師實邀上天福祐云

增乾隆二十四年

御製

雩祭禮成述事 問夜昭雲漢凌晨步石達祈

恩先責已利物匪求私夏節雖遲日

時尚未立夏常年雖有至夏至前後

方霑雨澤者然以去冬  
無雪覺刻不可待矣  
春膏已過期何能諉憤見更覺

無雪覺刻不可待矣

切焦思翹企

慈雲佈顯希

德雨施協時慚抱蜀矜惴寸心知

增乾隆三十五年

御製

雲祭禮成述事 建己月臨

常祀修致齋前日

需思流

京畿春月望雨至四月初二日始霽四寸餘膏澤可以興犁

已欣及節興耕

種更冀申

天錫渥優樂奏和聲協氣合禮成曙景露光浮融融煜

煜騰東壁祝帛祥烟接燎牛迎

神舉燎牛禮成送祝帛至燎壇視燎畢

退燎壇在壇東

增乾隆三十八年

御製

常雩禮成述事 幸逢甘澤夏春連



遠祭時行益企然雖曰協和值於是更希綏履繼乎前  
幣承玉奠寸衷肅鑄始金聲中呂宣陟降省緣過六十  
朕年逾六旬敬祀之心寔切而步履大不如昔因命大  
學士等定議稍減登降繁文自奠玉帛升壇至受福胙  
後始還至二成拜位仍必躬期永奉  
冀歲歲躬行以抒誠悃

皇乾

增凡大雩之禮歲在孟夏常雩之後如不雨遣官祇告

天神

地祇

太歲越七日不雨告

社稷仍不雨

後更定不告

復告

社稷

神祇太歲三復不雨迺

大雩先祀一日

皇帝御常服詣齋宮不作樂不除道不設鹵簿祀日雨

冠素服

躬禱於

園丘設

皇天上帝位

四從位三獻禮終樂闋列舞童十有六人為皇舞衣元衣執羽翳歌

御製雲漢詩八章以祈優渥餘儀及樂章均與

常雩同雨則報祀遣官朝服行禮如常儀會

大清會典

增乾隆二十四年

御製

大雩祝文  
臣承

命嗣服今廿四年無歲不憂旱今歲甚焉曩雖失麥可望大田茲尚未種赤地里千嗚呼其惠雨乎

常雩步禱未蒙

靈祐

方社

方澤均漠弗佑為期益迫嗟萬民誰救敢辭再瀆之罪  
用舉

大雩以申前奏嗚呼其惠雨乎

上天仁愛生物為心下民有罪定宥林林百辟卿士供職惟欽此罪不在官不在民實臣罪日深然

上天豈以臣一身之故而令萬民受災害之侵嗚呼其惠雨乎謹以臣躬代民請

命昭昭在上言敢虛佞計窮力竭詞慙誠罄油雲沛雨居歆賜應嗚呼其惠雨乎

增乾隆七年

御製倣雲漢詩體敬製雩祭樂章以申誠懇 瞻彼朱

鳥爰居實沈協紀辨律羽蟲徵音萬物芸生有壬有林  
有事

南郊陟降惟欽瞻仰

昊天生物為心

一章

維國有本匪民伊何維民有天匪

食則那嚳蠲鳴矣平秩南訛我祀敢後我樂維和鼉鼓

淵淵童舞婆娑

二章

自古在昔春郊夏雩曰惟龍見田

燭朝趨盛禮既陳

神畱以愉雷師闐闐飛廉衙衙曰時雨暘利我新畬

三章

於穆

穹宇在郊之南對越嚴恭

上帝是臨爾粟量幣用將悃忱惴惴我躬肅肅我心六

事自責仰彼桑林

四章

權輿粒食實維后稷百王承之

永奠邦極惟予小子臨民無德敢懈祈年潔衷翼翼命

彼秩宗古禮是式

五章

古禮是式值茲吉辰玉磬金鐘

大羹維醇元衣八列舞羽續絃既侑

上帝亦右從神尚鑒我衷錫我康年

## 章六

維

天可感曰惟誠恪維農可稔曰惟力作恃

天慢人弗刈弗獲尚勤農哉服田孔樂咨爾保介序乃

錢鏐

七章

我禮既畢我誠已將風馬電車旋駕九閩山

川出雲為霖澤滂雨公及私興鋤利甿億萬斯年農夫

之慶

八章

增乾隆二十四年

御製躬舉

大雪祈雨詩

北至都踰早種期晚田急待澤斯時人



窮反本呼

天額旱甚因誰責已知湯禱載陳三足鼎宣憂重訂八

章詩

壬戌議舉詩八章為舞童升歌之詞

常雩

大雩之禮時曾製雲漢

歲旱甚乃舉列升詠此詩又協候移易數語

好生

帝德其寧惠渴望雲行即雨施

臣等謹按

大雩之禮自乾隆甲子定議後每遇雨澤稍愆有禱輒

應歲已外自春徂夏望雨甚殷

聖心宵旰靡寧

親製祝文於六月十一日行

大雩禮由

齋宮步禱

圜丘大禮既成油雲四布翊日霖霖徐施中宵滂沛達旦田疇霑足自畿輔以逮缺雨各省皆同日優沾甘霽及時耕種仍獲有秋

誠意感孚

昊蒼眷佑洵不啻呼吸相通矣

欽定日下舊聞考卷五十七